

gairément s'appelle la bouche de la verité. Il est appuyé a l'Eglise de s. Marie in Cosmedin, dicté l'Escole Greque, qui est celle ou lisoit s. Augustin. Après cela il arriuera aux pieds du mont Auentinus, auprès duquel il verra dans le Tybre des ruines du pont Sublicius, au bout duquel Horatius Cocles soustint le choc de toute la Toscane, qui estoit en armes pour entrer dans Rome.

Et allant sous ledict mont tout le long du Tybre, vers s. Paul il trouuera des vignes a main droicte, a costé du Tybre, dans lesquelles les Romains auoient anciennement cent quarante greniers, qui furent fort grands, comme nous en font foy les ruines qui sont dans le vigne du Seigneur Iulian Cesarin.

*Du Mont Testaceus, & d'autres choses.*

**A**yant passé outre, tirant tousiour vers s. Paul, il trouuera vn tresbeau pré, ou les Romains celebrient leurs ieu Olympiques, & dans iceluy vous verrez le mot Testaceus, qui n'est fait que de tuis de potz rompuz: car on dict que les potiers auoient là auprès leur demeure, & y iettoient leurs vases, brisez, & rompuz. Qu'il regarde après a la porte de s. Paul, il verra dans la muraille de la ville vne tresancienne pyramide, que l'on dict estre la sepulture de Cestius.

Qu'il prenne après le chemin a main gauche de la porte de s. Paul, lequel le conduira a s. Gregoire, ou passant derriere le mot Auentinus il verra de grandes ruines d'edifices, & s'approchant arriuera a vn petit ruisseau, ou tousiours les femmes lauent les draps au dessous de s. Gregoire, au de là dudiect ruisseau estoit le grand cirque, ou l'on couroit avec les coches, & se faisoient leurs guerres Nauales.

Encore y a il là trois ordres de colonnes, les vnes sur les autres, & ce s'apelloit Seprizonium Seueri: quel est demoly.

*Des Thermes d'Antoninus Caracalla, & d'autres choses.*

**V**eu qu'il aura cela il apperceura vn peu plus au dessus les Thermes, ou bains de Caracalla, admirables a veoir, & de l'autre costé auprès de s. Balbine le cimettiere de Praxede, & Basilee.

Qu'il chemine après iusques a l'Eglise de s. Sixte par le droict chemin, qui va a s. Sebastian, & prenne vne petite ruelle a main gauche, qui le menera a s. Estienne le Rond, qui estoit anciennement le temple de Faunus. Là auprès il verra certaines murailles